

Sluttrapport til ExtraStiftelsen

Prosjekt

«Friluft og fiskelykke for alle!»

LHL Sykkylven i samarbeid med "Straumgjerde Natur og Folkesti"



Prosjektnummer 2015/ RB14375

Søkerorganisasjon: Landsforeningen for hjerte- og lungesyke (LHL)

Prosjektleder: Jens Andreas Olsen, LHL Sykkylven

Forord

Målet med denne rapporten er å vise at prosjektet er gjennomført og kva slags prosjekt dette var.

Friluft og fiskelykke for alle har vært eit samarbeidsprosjekt mellom LHL Sykkylven og foreininga «Straumgjerde Natur og Folkesti». Prosjektet var tenkt som eittårig prosjekt, men pga. at det var litt problem med å få inn nok midlar til å dekke budsjettet som var sett opp måtte vi bruke eit ekstra år. Prosjektperioden har difor vore 2015-2016. Prosjektet hadde som mål å ruste opp turveg, byggje grindløe, opparbeide plassen rundt løa og kjøpe inn benkar. Slik ville vi skape aktivitet i eit område ved Fetvatnet i Straumgjerde i Sykkylven.

Prosjektgruppa vil rette ei stor takk til dei som har vore med på å få dette i hamn. Maskinfirmaet «Aktiv Anleggsdrift» som har stått for oppgradering av turvegen og privatpersonar som har hjulpet til og stått på for prosjektet. Stor takk også til alle som har støtta prosjektet økonomisk: Forutan Extrastiftelsen Helse og Rehabilitering, takk til Sparebanken Møre, Gjensidige forsikring, Brunstad fabrikk, Formfin møbelfabrikk, Insoft Norge AS, Sykkylvsbladet og mange andre som har bidratt gjennom kronerulling.

Samandrag

Bakgrunn og mål for prosjektet var å ruste opp ein litt forfallen turveg til Lisjesanden ved Fetvatnet slik at han kunne brukast av alle, uansett funksjonshemming. Det skulle byggast ei Grindløe og leggst til rette for grilling. Det skulle også vere høve til å ta seg ein rotur og prøve fiskelykka på vatnet.

Alt dette er blitt gjennomført og med godt resultat. Gjennomføringa har gått etter planen. Prosjektet har blitt vel motteke av folket, så vi har oppnådd det resultatet som vi ønska.

Vidare planar er å sørge for at området blir halde ved like, og at organisasjonane vil bruke området til samlingar og kurs.

Bakgrunn og målsetting

Vi ønska å gjennomføre dette prosjektet fordi det passa inn i planane for området med flittig brukt turveg-nett som er opparbeidd tidlegare. Dette blir eit supplement og tilbod til fleire grupper.

Situasjonen var slik at det ikkje var mulig for andre enn funksjonsfriske å komme til område der det er høve til å fiske og til å ta seg ein båttur på vatnet. Det var heller ikkje lagt til rette for grilling eller rasting. Dette ønska LHL Sykkylven og Straumgjerde Natur- og folkesti, den lokale foreininga som dei siste åra har jobba med å få bygd opp eit nett av turstiar i Straumgjerde i Sykkylven, å gjere noko med. Det er Straumgjerde Natur og Folkesti ved Ole Høydal, som har vært og er primus motor for opparbeidinga av turvegane i området. Ole var også ansvarleg for bryggja på Lisjesanden, som ble oppført i 2014.

Problema var at vegen var i noko dårleg forfatning enkelte stadar og kunne vere vanskeleg for enkelte å ta seg fram. Det var ikkje opparbeidd tilkomst for rullestolbrukarar og andre med rørslehemma frå turstien og ned til vatnet. Det var heller ikkje nokon god landingsplass for båt. Difor var det viktig for oss å få bygd en liten vegstubb fram til dit brygge og grindløe no er oppført.

I søknaden til ExtraStiftelsen formulerte vi denne målsettinga for prosjektet:

"Prosjektet har som mål å ruste opp turstien langs Fetvatnet i Straumsgjerde slik at den blir tilgjengeleg for alle, også de som nyttar rullestol og de med bevegelsesvanskar. Som del av prosjektet skal det nede ved vatnet også opparbeidas eit område med grindløe, grillplass og benkar slik at det kan nyttast til samlingar, fiske og anna aktivitet. Slik vil vi skape eit lavterskeltilbod i Sykkylven som kan nyttast av alle."

Prosjektgjennomføring og metode

Hovudoppgåvene var å få oppgradert turvegen slik at han kunne bli nytta av fleire grupper, og i tillegg bygge ei Grindløe og lage ein grillplass med benkar.

Prosjektet har hatt ei budsjetttramme på kr 400.000. Av dette utgjorde kr 300.000 bevilgningen frå ExtraStiftelsen.

Opprinnelig hadde vi budsjettert med kr 350.000 i bevilging frå ExtraStiftelsen og kr 50.000 fordelt på eigne midlar og innsamla midlar. Vi måtte derfor utarbeide nytt budsjett for prosjektet og i heile prosjektperioden ble det arbeidet kontinuerlig for å skaffe prosjektet midlar.

Prosjektet starta i midten av april 2015 med saging av materialar til Grindløe. Deretter satt vi opp Grindløa og planerte rundt denne. Samtidig starta vi arbeide med å oppgradere turvegen til området med reinsking av grøfter og vegbane. Dette ble gjort på dugnad og mange frivillige stilte opp. Nødvendig maskinarbeid starta opp våren 2015. Dette arbeidet gjekk føre seg i perioden fram mot hausten når entreprenøren hadde ledig kapasitet. I september var turvegen ferdig opprustet og gjort tilgjengelig for rullestolbrukarar og andre rørslehemma. Det sto att å kjøpe inn båt/kano, få på plass bord med benker til grillplassen samt skilting av turområdet. Dette arbeidet ble utført i 2016.

Vi sørge for å profilere prosjektet gjennom lokalavisa «Sykkylvsbladet» og LHL Sykkylven sin facebook side. 11. mai 2015 var det reportasje på NRK Møre og Romsdal om prosjektet der prosjektleder ble intervjuet saman med Ole Høydal frå samarbeidspartner "Straumgjerdet natur og folkesti". I prosjektperioden har vi hatt mange besøk, bla. frå FFO Møre og Romsdal og Mental helse Stordal.

Prosjektet ble offisielt opna 4. juni 2016 med Ca 300 frammøtte. Opninga var over all forventning, med flott program, med bla. kapproing, sang og musikk. Ordføraren stod for opninga han sa noen velvalte ord om hvor viktig dette prosjektet er for kommunen før han høgtidleg erklærte "*Lisjesanden brygge*" for opna ved å sage av en bjørkestamme som vart heldt av prosjektleder Jens Andreas Olsen frå LHL Sykkylven og primusmotor for turstiane, Ole Høydal frå Straumgjerde Natur- og Folkesti.

Resultat og resultatvurdering

Vi har rustet opp turvegen slik at rullestolbrukarar og andre rørslehemma på lik linje med andre kan ta seg fram til området ved Fetvatnet. Vi har og bygget ei grindløe der ein kan søke ly og ha med seg grillmat eller liknande. Vi har nådd målet for prosjektet og er difor godt nøgd med resultatet.

Prosjektet har gitt gode resultat og området har blitt meir attraktivt å bruke.

Det er fleire grupper av forskjellig slag som brukar området i dag enn tidlegare:

- flittige turgåarar
- private, som brukar sommarkveldar til grilling og kos
- organisasjonar har sine lagssamlingar
- speidargrupper på overnatting
- skoleklasser på overnatting
- barnehage-grupper
- bedrifter

Vi kan difor seie at vi har oppnådd målet med prosjektet, som var at fleire skulle ha høve til å bruke området.

Vår erfaring er at det er viktig å samarbeide med fleire grupper, og å ha gode kontaktar og støttespelarar for å gjennomføre eit prosjekt som dette.

Oppsummering/ Konklusjon/ Vidare planar

Vi er i mål med prosjektet. Vi har skapt eit lågterskeltilbod i Sykkylven som kan nyttas av alle. Det er vi særdeles nøgd med. LHL Sykkylven sin samarbeidspartnar Straumgjerde Natur og Folkesti har no ansvaret for anlegget. Det vil vere samarbeid mellom foreiningane om bruk og vedlikehald, og det er utarbeidet en avtale mellom foreiningane som regulerer dette.

Konklusjonen er at det har vore eit godt og lærerikt prosjekt for alle partar. Vi er komne i mål med både gjennomføring og økonomi.

.....

Foto frå opninga av prosjektet 4. juni 2016:





